

Ro Ta Paulus Ibeede Pizin Epesus

¹ Nio Paulus. Nio, Anutu itunu leleene mi iur yo ma anjwe njonjana ki Yesu Krisi. Anbeede ro ti ima piom Epesus ta kewe Anutu wal kini potomjan kek, mi kuurla ki Yesu Krisi, mi kesekap la kini i.✠

² Tamanda Anutu mi Merere kiti Yesu Krisi ko tikampe yom, mi timboro yom ma kombot ambai. Nonoono.

Krisi iwe zaala pa kampejana ta boozomen ki Anutu

³ Iti tapakur Anutu! Ni Merere kiti Yesu Krisi Tamaana. Pa iti ta tesekap la ki Krisi i, na Anutu ikampe iti pa kampejana saamba kana matakiņa boozomen ta ki Bubunjana i.

⁴ Kere. Munju kat, indeenje ni iur saamba mi toono zen na, ipeikat iti tomtom ta tesekap la ki Krisi i be ikam ti ma tewe potomjanda, mibe mbulu kiti ingeeze men ma lende uunu sa pa ni mataana som.✠

⁵ Tana indeenje ta munju kat na, ni iur leleene piti, mi leleene iur be injo Yesu Krisi ma isu iwe zaala piti, mibe ikam ti ma tewe lutuunu bizin. Ina ni itunu leleene mi munjainjana kini tau.✠

⁶ Pa ni isombe zaana iwe biibi pa munjainjana mi kampejana kini ndabokjana. Tanata ikampe iti,

✠ **1:1:** Ngo 18:19+, 19:1+, 20:17+ ✠ **1:4:** Ro 8:28+; Ep 5:27; Kol 1:22; 2Tes 2:13; 2Tim 1:9 ✠ **1:5:** Yo 1:12; Ga 4:5

mi ipomoozo kat iti pa itunu Lutuunu ta ni leleene pini ilip kat na.✧

7-8 To kaimer ma Krisi sinjiini ireere na, iwe zaala piti tomtom ta tesekap la ki Krisi i ma Anutu itatke iti pa sanaana mburaana, mi ireege sanaana kiti. Pa Anutu ngar kini mi kampejana kini na, biibi ma ilip kat. Tanata ni ipomoozo iti ta kembei.✧

9-10 Mi ngar kini turkenjana ta imbot la itunu leleene, ta iswe piti kek. Ngar kini tana ta kembei: Ni ko ikamam peeze, mi ila ila ma indeenje ka nol, to ilup koron boozomen ta timbot saamba mi toono na ma tiwe tamen, mi iur Krisi ma iwe uteene pizin be imboro zin.✧

11 Tana Anutu, ni ikam koron ta boozomen irao itunu leleene mi ngar kini. Mi ni leleene iur piti tomtom ta tesekap la ki Krisi i ta munju kek, be ikam ti ma tewe itunu wal kini. Naso zanda be takam matamur kini.✧

12 Mi ni isombe niam wal mataana koyam ta amur motoyam pa Krisi mi amzza i, na niam ko amwe zaala pizin wal pakan be tipakur ni zaana pa mbulu kini ndabokjana.

13 Mi niom tomini. Indenje tau kelej sua nonono ki uruunu ambaijana mi kuurla na, niomjan Krisi kaparlup yom ma kewe tamen, mi kewe lene. Pa sua tana iso yom pa zaala ta Anutu ikamke iti pa i. Mi Krisi ikam ma Bubujana ta munju Anutu imbuk sua pa na, ise tiom tomini. Bubujana tana, ina iwe kilalan piti kembei iti ki Anutu.✧

✧ **1:6:** Mt 3:17 ✧ **1:7-8:** Ro 11:33; Kol 1:14,20; Ibr 9:12; 1Pe 1:18+
 ✧ **1:9-10:** Ro 16:25+; Ep 3:9+; Kol 1:16-26 ✧ **1:11:** Ro 8:17,28+; Kol 1:12 ✧ **1:13:** Yo 14:16+; Ro 8:9; Ga 3:14; Ep 4:30; Tur 7:3

14 Mi ina iwe mataana pa matamur ta boozomen ki Anutu, mi ipombol ti be tuurla kembei zanda pa matamur kini tana. Tana iti tuute: Kaimer ni kola imar, mi ikam ti ma tala tombot su kereene uunu ta kar saamba a. Ingi kembei tabe iti tapakur zaana pa mbulu kini ndabokɲana.✧

Sunɲana ki Paulus

15 Indeeɲe ta aɲleɲ uruyom kembei kuurla ki Merere Yesu, mi ku'urur kat leleyom pa Anutu wal kini potomɲan ta boozomen na, mazwaana tana mi imar na,✧

16-17 nio aɲzemzem sunɲana piom som. Aɲnoknok ma imar indeeɲe koozi. Mi leleɲ ambai pa Anutu ta Merere kiti Yesu Krisi Tamaana zaanaɲana na, mi aɲpakurkur zaana pa uraata ta ikamam la mazwoyom. Nio leleɲ be kuute kat Anutu, tana aɲzuɲzuɲi be ipombol yom pa Bubunɲana ta ipeyei ngar ambainɲana mi izzwe Anutu ngar kini piti i.✧

18 Mi aɲzuɲzuɲi tomimi be ikam mat kini ma iyaara la leleyom. Naso kikilaala matamur kini ndabokɲana ta wal kini potomɲan zan pa be tikam. Pa ni iboobo yom be kuur motoyom pa koronɲ ta tana.✧

19 Mi aɲzuɲzuɲi be ikam yom ma kikilaala mbura keskeezeɲana ta ikamam uraata piti tomtom ta tuurla kini i.✧

20 Mburaana tana, tere ka kin se ki mburaana biibi ta ipei Krisi ma imanga la zin meeteɲan lelen,

✧ **1:14:** Ro 8:23; 2Kor 1:22; 1Pe 2:9 ✧ **1:15:** Kol 1:3+ ✧ **1:16-17:** Pil 1:3+; 1Tes 1:2; 2Pe 1:3 ✧ **1:18:** Ngo 26:18; 2Kor 4:6 ✧ **1:19:** Ep 3:7; Kol 1:29, 2:12

mi iuri ma mbuleene su Anutu namaana woono ta saamba a.✠

²¹ Kere. Koozi, Krisi imbotmbot ta kor a, mi ikamam peeze pa koronj ta boozomen. Tana wal peeze kan, mi koronj bibip mi mburanjan mi zannjan ta ki saamba mi toono na, Krisi zaana mi mburaana ilip kat pizin. Ta koozi, kaimer, mi iseenge iseenge ma ila.✠

²²⁻²³ Pa Anutu iur koronj ta boozomen ma imap imbot la Krisi kopo mbarmaana be ni iwe uteene pizin mi ikamam peeze pizin. Mi peeze ta ni ikamam, ina be iuulu zin wal kini. Pa zin tiwe kembei ni kwoono, kumbuunu, namaana, mi koronjana ta boozomen ta tilup ma tiwe kembei ni itunu. Mi ni izeebe zin kembei ni imbot pa lele ta boozomen, mi izeebe koronj ta boozomen.✠

2

Mbotjana munjanana mi mbotjana poponana

¹ Munju niom tina kembei wal meetenan. Pa komololo tutu, mi kakamam mbulu tiom sa ma irao som.✠

² Pai tiom na, kototo mbulu ki toono men, mi kelenlej la Sadan kaljaana. Ni ta biibi kizin bubunana sananjan tau timbotmbot la manjanana na, mi ipeyei ngar sananjana pizin wal tau tizorzooro Anutu i.✠

³ Mi niom men som. Niam tomimi. Pa munju iti ta boozomen raraate men. Takamam mbulu sananjana ta nindi izze pa i, mi tototo ngar

✠ **1:20:** Mbo 110:1; 2Kor 13:4; Kol 3:1; Ibr 1:3+ ✠ **1:21:** Ro 8:38; Kol 1:16+; Pil 2:9+ ✠ **1:22-23:** Mbo 8:6; Mt 28:18; Ro 12:5; 1Kor 12:27; Ibr 2:7+ ✠ **2:1:** Kol 2:13 ✠ **2:2:** Yo 8:44; Ep 5:6, 6:12; Kol 3:6+; Tit 3:3

sananjana ki lelende munjajana. Pa iti tomtom toono kanda na, ta kembeinjanda. Tusu raama sanaana. Tabe ikam ma Anutu kete malmaljana kini imbotmbot se kiti.✠

⁴⁻⁵ Tana munju mbulu kiti ta tomlolo tutu, ina ikam ti ma kembei temeete kek. Tamen Anutu, ni munjajana katuunu, mi lelene piti ilip kat. Tanata ipei iti raama Krisi ma tamanga tewe poponjanda. Ina ni itunu kampejana kini ta ikamke iti.✠

⁶ Mi inji kembei ni ikam iti ta tesekap la ki Krisi i, ma itijan Krisi tasala ma mbulende su kar saamba kek.✠

⁷ Tana kampejana mi munjajana ki Anutu, ina biibi ma ilip kat. Mi ni lelene be kampejana mi munjajana kini imbot kat mat ta koozi, kaimer, mi iseenje iseenje ma ila. Tanata imunjai iti, mi ingo Yesu ma isu piti.

⁸ Tana kampejana mi munjajana ki Anutu ta ikamke iti. Mi ulaaja tana ipet pa itundu uraata kiti, som mbulu kiti ambaijana sa som. Ina Anutu ipomoozo iti pa. Mi urlajana ta iwe zaala pa.✠

⁹ Tana iti lende uunu sa tabe tapakur itundu pa i na som. Pa ulaaja tana ipet pa iti uraata kiti, som mbulu kiti sa som. Som kat.✠

¹⁰ Tana iti ta tesekap la ki Krisi i, na Anutu itunu ta ikam ti ma tewe poponjanda. Pa ni lelene be takamam uraata ambaimbaijan ta ni ipararar piti pataaja kek be takam.✠

✠ **2:3:** Mbo 51:5; Ro 1:18+, 5:12; Ga 5:16,24; 1Pe 4:3 ✠ **2:4-5:** Yo 3:16; Ro 5:6+, 6:4+; Kol 2:12+ ✠ **2:6:** Kol 3:1+ ✠ **2:8:** Ro 3:24+, 4:16; Ga 2:16; Tit 3:4+ ✠ **2:9:** Ro 3:27, 4:5; 1Kor 1:29+; 2Tim 1:9
✠ **2:10:** 2Kor 5:17; Ep 4:24; Tit 2:14

Krisi ilup zin Yuda mi zin wal ta Yuda somɲan i ma tiwe wal tamen

¹¹ Niom wal ta Yuda som na, motoyom ila pa ta munɲu na. Zin Yuda nin zze pa reetenɲana kizin ta tomtom tikam pa naman na, mi tirepilpiili yom ma tizzo ta kembei: “Niom tina reetenɲoyom som.”

¹² Mazwaana tana, niom kombotmbot molo pa Krisi, mi niom wal ki Anutu kembei ta zin Israel i som. Pa niom wal ndelɲoyom. Tana sua mbukɲana ki Anutu ikam yom raama zin som. Mi kombotmbot su toono ti, mi kikilaala koronɲ ambainɲana ta Anutu isombe ikam piom na som. Paso, indeenɲe tana, niom kuute i som.✧

¹³ Mi koozi, niom wal ta munɲu kombotmbot molo pa Anutu na, kesekap la ki Yesu Krisi i, tabe ikam yom ma kamar kolounɲana pa Anutu kek. Pa Krisi sinjiini ta iwe zaala piom.✧

¹⁴ Tana Krisi ta ikam ti ma itinɲan Anutu taparlup ti ma tewe tamen. Kere. Zin Yuda mi zin wal ta Yuda somɲan i, munɲu tiparluplup zin som. Pa tiparwe kan koi ma kembei ta siiri biibi imbot la mazwan. Tamen Krisi, ni ireege siiri tana, mi ilup zin ma tiwe wal tamen kek.✧

¹⁵⁻¹⁶ Ka zaala ta kembei: Indeenɲe kuliini ire yoyounɲana sala ke pambaaranɲana na, ikam ma tutu boozomen ta munɲu iwe mbukuunu pa wal uunu ru tana na, len uraata sa mini som. Pa ni isombe ikam mbulu poponɲana, mi ilup zin ma tiwe wal tamen nonoono. Tana indeenɲe Krisi imeete sala ke pambaaranɲana na, ipunmeete mbulu kizin ta tiparwe kan koi na, mi ikam zin ma timiili mini

✧ **2:12:** Ro 9:4 ✧ **2:13:** Kol 1:20 ✧ **2:14:** Yo 14:27; Ro 5:1; Ep 3:6; Kol 1:19+

ki Anutu, be zinan Anutu tiparlup zin ma tiwe tamen.✧

¹⁷ Mi imar mi isoyaara uruunu ambainana ta kembei: “Leleyom ambai. Pa niomnan Anutu kaparlup yom ma kewe tamen kek.” Sua tana ima piom wal ta mungu kombotmbot molo pa Anutu na, mi zin wal tau kembei timbotmbot koloujana pini na tomini.✧

¹⁸ Tana iti wal uunu ru, ta Krisi iwe zaala piti, mi Bubunana tamen ta iuluulu iti be tala koloujana pa Tamanda Anutu mi toso sua kiti ila kini.✧

¹⁹ Tana koozi niom wal ndeljoyom mini som. Ingi kewe Anutu wal kini potomnan, mi niomnan wal kini pakan kewe kartu pa kar saamba kek.✧

²⁰⁻²¹ Niom kewe kembei ta Urum Merere ka uraata pakan. Urum tana imender se uraata ki Anutu kwoono bizin ta mungu tibeede sua kini na mi zin ngonana ki Krisi. Mi pat mataana kana ta ikis urum ka koronnanan ta boozomen ma timbot murinmurin na, Krisi itunu. Naso urum izze ma iwe biibi, mi iwe Merere muriini potomjana be imbot pa.✧

²² Tana niom tomimi, niomnan wal boozomen ta tisekap la ki Krisi i, na Krisi ikamam uraata piom bekena ilup yom. Naso ipo Anutu le muriini be Bubunana imbot pa.✧

3

Paulus, ni le uraata be iswe ngar turkenana ki

✧ **2:15-16:** Ro 8:3+; Kol 2:14 ✧ **2:17:** Yesa 57:19; Lu 2:14; Ngo 10:36

✧ **2:18:** Ro 5:2; Ep 3:12; Ibr 10:19+; 1Pe 3:18 ✧ **2:19:** Ep 3:6; Pil

3:20; Ibr 12:22+ ✧ **2:20-21:** Mt 16:18; 1Kor 3:9-16; 2Kor 6:16; Ep

4:15+; Tur 21:14 ✧ **2:22:** 1Pe 2:5

Anutu pizin wal ta Yuda somņan i

¹ Nio Paulus. Ingi tiur yo ma aņbotmbot lela ruumu sanaana ti paso, aņbesmbeeze pa Yesu Krisi mi aņkamam uraata bekena aņjuulu yom wal ta Yuda som na. ✧

² Anutu, ni ikampe yo mi iur uraata imar nomoņ be aņso yom pa muņaiņana mi kampenana kini. Uruņ na, niom ko keleņ risa kek. ✧

³ Niom kuute: Anutu iswe nņar kini turkeņana pio. Ka sua pakan, ta inņi aņbeede ma ima i. ✧

⁴ Mi so kapaata, nako kikilaala kembei nio aņbot mat pa nņar kini turkeņana. Nņar tana iso pa Krisi tau.

⁵ Ta muņgu mi imar na, Anutu iswe kat nņar tana pizin tomtom som. Mi koozi na, Bubuņana iswe piam nņoņana potomņoyam ki Anutu mi Anutu kwoono bizin pakan ma imbot mat kek. ✧

⁶ Nņar tana iso ta kembei: Zin wal ta Yuda somņan i, sombe tisekap la ki Krisi, na uruunu ambaiņana ko iwe zaala pizin be ziņan zin Yuda zan pa matamur ki Anutu, mibe tiparlup zin ma tiwe wal tamen, mi tikam koroņ ambaiņana ta muņgu Anutu imbuk sua pa na. ✧

⁷ Mi nio na, Anutu itunu mburaana ta ikam uraata pio, mi ikampe yo biibi, mi iur uruunu ambaiņana tana imar nomoņ be aņwe mbesoņo pa. ✧

⁸ Nņonoono, nio ti sorokņoņ nņonoono. Aņbot kaimer kat pa Anutu wal kini ta boozomen.

✧ **3:1:** Ep 4:1; Pil 1:7; Plm 13,16; Kol 4:3; 2Tim 1:8; Plm 1,9 ✧ **3:2:** Nņo 9:15; 1Kor 4:1; Ga 2:7; Kol 1:25 ✧ **3:3:** Nņo 22:17,21, 26:16+; Ga 1:11+; Ep 1:9+; Kol 1:26 ✧ **3:5:** Nņo 10:28; 2Pe 1:21 ✧ **3:6:** Ga 3:14, 3:28+; Ep 2:13+ ✧ **3:7:** Ro 1:5; 1Kor 4:1; Kol 1:23+

Tamen Anutu ikampe yo biibi, mi iur uraata ti imar nomon be anso zin wal ta Yuda somjan i pa Krisi mbulu kini ndabokbokjan ta boozomen. Mbulu kini tana, iti tarao be takam ngar pa ma imap na som. ✧

⁹ Mi Anutu iur yo be anpaute zin tomtom pa zaala tau ni ikam ma ngar kini turkenjana iur nonono. Pa ta mungu mi imar indeene koozi na, Anutu ta iur koron ta boozomen ma tipet na, iswe zaala tana som. Mi koozi, ni iswe ma ipet mat kek. ✧

¹⁰ Ni ikam ta kembei paso, ni leleene be zin ajela zanja mi zin bubujana mburanjan ta timbotmbot sala manajanana na, tire mar piti tomtom tau tombot lela lupjana ki Krisi i. Naso ngar kizin ipet, mi tikilaala Anutu ngar kini matakija boozomen ta ndabokbokjan ma ilip na. ✧

¹¹ Tana mbulu ta boozomen ti, ina ito Anutu itunu ngar kini ta leleene iur pa ta mungu kek, indeene saamba mi toono ipet zen na. Mi Merere kiti Yesu Krisi iwe zaala pa, ta ingi iur nonono kek.

¹² Tana iti sombe tesekap la ki Krisi mi tuurla kini, inako tomoto be tagarau Anutu mi toso sua kiti ila kini som. Pa kosa sa ipakaala iti pini mini som. ✧

¹³ Tana nonono, patajana ta ikamam yo i, ingi anbaada piom tau. Mi anso anpombol yom ta kembei: Leleyom ipata pa pepe. Kemender mboljana, mi niyom se pa. ✧

Sunjana ki Paulus

✧ **3:8:** Ngo 9:15; 1Kor 15:9+; Ga 1:16; 1Tim 1:13+ ✧ **3:9:** Ro 16:25+
 ✧ **3:10:** Ro 11:33; Ep 1:21; 1Pe 1:12 ✧ **3:12:** Yo 14:6; Ro 5:2; Ep 2:18; Ibr 4:16, 10:19 ✧ **3:13:** Pil 1:13+; Kol 1:24

14 Nio anĵkam nĵgar pa koronĵ ta boozomen tana, tabe anĵlek kumbunĵ pa Tamanda Anutu mi anĵso anĵsunĵ piom.

15 Pa ni zaana ta ise ki wal kini ta boozomen. Zin ta timbotmbot saamba a, mi zin ta timbotmbot toono na tomini. ✧

16 Mi ni irao kat pa koronĵ matakiĵa boozomen ta ndabokbokĵan mi zanĵan. Tana itunu ko ikam mburaana piom, mi izeebe yom pa Bubunĵana. Naso ipombol kat leleyom. ✧

17 Mi ni ko ikam yom ma kuurla kat. Naso Kriſi itu sula leleyom. Mi ko ikam yom ma kikiskis kat mbulu ki kuur leleyom pizin tomtom mi Anutu, kembei ta ke uraana irokiskis toono na. Nio leleĵ be kombol se mbulu tana, kembei ruumu imbol se kitiimbi. ✧

18 Naso niomĵan Anutu wal kini potomĵan ta boozomen karao be kakam kat nĵgar pa muĵaiĵana ki Kriſi, mi kikilaala babaĵana kini ta kembei: Ina ila ma ila, mi isala ma isala, mi isula ma isula kat ta meeleba na. ✧

19 Mi so kembei, nako kikilaala kat muĵaiĵana kini. Tamen ko som. Pa ina ilip kat pa iti tomtom nĵgar kiti. Mi ina zaala tabe Anutu itunu izeebe iti mi lelende bok kat pa mbulu kini ndabokbokĵan ta boozomen. ✧

20 Tana iti tapakuri. Pa mburaana ta ikamam uraata la lelende i, na biibi ma biibi kat. Tana koronĵ pareiĵana ta so tiwi i pa, som takam nĵgar pa men, na ni irao be ikam. Mi ni irao be ikam koronĵ pakan isala ki ma ilip kat. Pa ni itat pa kosa sa na

✧ **3:15:** Ep 1:10; Pil 2:9+ ✧ **3:16:** 2Kor 4:16 ✧ **3:17:** Yo 14:23; Kol 1:23, 2:7 ✧ **3:18:** Mbo 103:11 ✧ **3:19:** Yo 1:16; Ro 10:11+; Kol 2:2,9+

som. ☆

²¹ Tana iti ta tombot lela lupɲana ki Krisi i, itiɲan Krisi itunu ko tezzwe Anutu zaana ma mbulu kini ndabokɲana, mi iseenge iseenge ma ila. Nonoono. ☆

4

Koroɲ pakan ta ilup Krisi wal kini

¹ Tana nio ta aɲbotmbot lela ruumu sanaana ti pa Merere zaana na, aɲso aɲpombol yom be kapa pai tiom ma ambai men. Kakam ta kembei, to indeeɲe. Pa Anutu iboobo yom ma kewe lene kek. ☆

² Tana kokoto kat ituyom, mi kakam mbulu luumuɲana men pa waeyom bizin ta ki Krisi i. Mi sombe tikam ɲoobo yom, som tikam pataɲana piom, na keteyom malmal pizin pepe. Kabaada men, mi ku'urur leleyom pizin. ☆

³ Pa Bubuɲana, ni ilup ti ma tewe wal tamen kek. Tana kakam kinkiini be kopombolmbol lupɲana ki Krisi ma imbotmbot. ☆

⁴⁻⁶ Kere. Krisi, lupɲana kini tamen ta imbotmbot. Ina iti tomtom ta tuurla kini na. Mi Bubuɲana ta kembena. Tamen ta imbotmbot. Mi indeeɲe Anutu iboobo iti ma tewe lene na, iboobo iti be tuur matanda pa koroɲ tamen. Ina mbotɲana ki kar saamba. Mi Merere tamen imbotmbot, urlaɲana tamen imbotmbot, mi takam yok be tewe Merere tamen lene. Mi Tamanda Anutu tamen ta imbotmbot. Ni koroɲ imap katuunu. Mi izeebe

☆ **3:20:** Ro 16:25; 1Kor 2:9+; Kol 1:29 ☆ **3:21:** Ro 11:36, 16:27; Ibr 13:21 ☆ **4:1:** Ep 3:1; Pil 1:27; 1Tes 2:12 ☆ **4:2:** Ga 5:22+; Kol 3:12+; 1Tes 5:14 ☆ **4:3:** Kol 3:14+

koron ta boozomen, mi koron ta boozomen tiwe zaala pini be ikamam uraata kini.✠

Anutu iur uraata matakiᶇa ma irao iti

⁷ Kriᶇi, ni ikampe iti tomtom tataᶇa, mi ikam lende uraata matakiᶇa ma ikot ti be topombol lupᶇana kini. Ito itunu leleene tau.✠

⁸ Ka sua imbot pataᶇa kek ta kembei. Iso: Ni iporou ma ilip, ta ikam ka koi bizin ma tisala, mi ipamaala zin ila iwal biibi matan. Mi ipomoozo zin tomtom, mi ikam len koron ambaimbaiᶇan.✠

⁹ Sua ta iso ni isala kor na, ina ka uunu parei? Ka uunu ta kembei: Ni isala men som. Munᶇu ikoto itunu, mi isu toono, mi imeete ma isula kat ta toono.✠

¹⁰ Tana ni ta isu, mi ni tana ta imiili ma isala pa saamba, mi izem ma isala ta kor a. Naso izeebe koron ta munᶇaana men, mi koron ta boozomen timap timbot la ni kopo mbarmaana.✠

¹¹ Mi ni ipomoozo lupᶇana kini pa koron ambaimbaiᶇan matakiᶇa. Pa iur tomtom pakan ma tiwe ᶇoᶇana kini, mi pakan tiwe kwoono bizin, mi pakan tizzoyaryaara uruunu ambaiᶇana pizin wal tau tiurla som na. Mi pakan na, len uraata be timboro zin tomtom mi tipaute zin pa sua ki Anutu.✠

¹² Ni iur zin wal ta kembei, beken a tiurpe Anutu wal kini ta boozomen. Naso tirao be tikam uraata ambaimbaiᶇan, mi timbeeze pini, mi tipombol lupᶇana ki Kriᶇi.✠

✠ **4:4-6:** Ro 11:36, 12:5; 1Kor 8:6, 12:4,11+; Ga 3:27+ ✠ **4:7:** Ro 12:3,6; 1Kor 12:11 ✠ **4:8:** Mbo 68:18; Kol 2:15 ✠ **4:9:** Yo 3:13
 ✠ **4:10:** Nᶇo 1:9; Ep 1:21+; Ibr 4:14 ✠ **4:11:** Ro 12:6+; 1Kor 12:27+
 ✠ **4:12:** Kol 1:24; 2Tim 3:17

13 Mi ko ila ila ma irao iti ta boozomen ngar kiti iwe tamen, mi tuurla raraate, mi tuute Anutu Lutuunu raraate. Pa urlanana kiti ko izze ma tewe kolman pa, mi ila ila ma mbulu kiti raraate pa mbulu ki Yesu Krisi.✠

14 Tana iti takam mbulu kembei ta zin nanğan munmun mini pepe. Kokena takan la sorok sua ma ngar kizin wal pakamkaamğan ta tipandelndel zin tomtom mi tikurru lenen pa mbulu kizin boz-boozo. To tewe kembei woongo ta miiri ma duubu tipambinbin mataana ma ila kena, ila kena.✠

15 Tana takam kembena pepe. Bela toto sua nonoono men, mi tuur kat lelende pizin tomtom. Naso mbulu ta boozomen ki Krisi itum la lelende, mi tewe kembei ta ni.✠

16 Pa iti tomtom ta tewe kembei Krisi namaana ma kumbuunu ma koronğan ta boozomen. Mi ni ta iwe uteene piti, mi ikamam peeze piti, mi ikis ti ma tombot la murindi murindi. Mi sombe mbukunbukun ta boozomen tiparkis zin, mi itundu takamam uraata kiti kiti, mi tuur lelende par piti, inako lupğan ki Krisi ipet ma iwe biibi mi imbol.✠

Zaala poponğan ki Krisi

17-18 Tana nio anso sua mbolğan piom pa Merere zaana ta kembei: Kapa pai tiom kembei zin wal ta matan munğan mi tiute Anutu som na pepe. Pa ngar kizin na, nono somğan. Mi mbotğan ta ki Anutu i na, zin tiute risa som. Pa zitun tizeeze talğan,✠

✠ **4:13:** 2Kor 3:18; Kol 1:28, 2:2 ✠ **4:14:** 1Kor 14:20; Ibr 13:9; Yems 1:6 ✠ **4:15:** Ep 1:22; Kol 1:18; 2Pe 3:18; 1Yo 3:18 ✠ **4:16:** Kol 2:19 ✠ **4:17-18:** Ro 1:21; Ep 2:12; 1Pe 1:14, 4:3

¹⁹ tanata tiyamaana sanaana kizin mini som, mi tikankaana. Mi tirao be tiyaraama zitun som, mi nin zze pa mbulu soroksorok ta boozomen.✧

²⁰ Kere. Indeeṅe tipaute yom pa Kresi na, tiso yom pa ka mbulu ta kembei? Som.

²¹ Niom kelenṅ Kresi kalṅaana kek. Mi sua ṅonoono ta Yesu iswe piti na, tipaute yom pa kek.

²² Mi tiso piom ta kembei: Mbulu tiom muṅṅuṅana ramaki leleyom muṅṅuṅana ta ipakamkaam yom, mi ikamam ma niyom izze pa mbulu bozboozo, mi ipasansaana yom na, kikinke ma tila len kembei ta mburu sananṅana.✧

²³ Bela Anutu itooro leleyom mi ṅgar tiom ma iwe popoṅana kat.✧

²⁴ Naso Anutu ikam yom ma kewe kembei tomtom popoṅana, mi kakam mbulu ta ndeeṅṅana mi potomṅana men kembei ni itunu.✧

²⁵ Tana, niom ta boozomen kezem mbulu ki pakaamṅana ma imborene, mi kaparzzo sua ṅonoono men piom. Pa iti ta boozomen taparlup ti ma tewe wal tamen kek.✧

²⁶ Mi sombe keteyom malmal, na kikiskis pepe. Kokena kakam sanaana. Tana loṅa mi kuurpe leleyom, mana zoṅ isula.✧

²⁷ Kokena keteyom malmal ma kombotmbot, to iwe zaala pa Tomtom Sanaana.✧

²⁸ Mi zin wal ta so tikemem, na timap pa kuumbu kamṅana, mi timaṅga ma naman ikam

✧ **4:19:** Ro 1:24; Kol 3:5; 1Tes 4:5 ✧ **4:22:** Ep 4:17; Kol 3:9; Ibr 12:1; 1Pe 2:1 ✧ **4:23:** Yo 3:3; Ro 12:2; Kol 3:10 ✧ **4:24:** Ro 6:4; 2Kor 5:17; Ep 2:10; Kol 3:10 ✧ **4:25:** Sek 8:16; Ro 12:5; Kol 3:8+ ✧ **4:26:** Mbo 4:4; Mt 5:22+; Yems 1:19+ ✧ **4:27:** Yems 4:7; 1Pe 5:9; 1Yo 5:18

uraata. Naso zitun len koron, mi tirao be tikam pizin wal ta timbot njoobo na tomini.✠

²⁹ Mi sua sananɲana sa ipet pa kwoyom pepe. Koso sua ambainɲana men ta irao iuulu zin tomtom, mi ipei ngar kizin, mi ikam ma lelen ambai.✠

³⁰ Mi kapasaana Anutu Bubunɲana Potomɲana leleene pepe. Pa ni ta iwe kilalan piom kembei niom wal ki Anutu. Mi sombe izeebe yom, na niom kuute: Sombe ka nol ipet, tona Krisi ko imar mi iyo yom ma kala kombot su kar kini.✠

³¹ Tana mbulu ki leleende ingis, mi ketende malmal, mi ketende ibeleu, mi kalɲanda izalla, mi tanɲalɲal sorok sua, ramaki mbulu matakiɲa ki tuur koi na, kiziiri ma ila ne.

³² Mi kaparkampewe yom, mi leleyom zanzana par piom, mi kaparurpewe leleyom, mi moyom mbiriizikaala sanaana ki waeyom bizin, kembei Anutu ireege sanaana tiom paso, Yesu Krisi ta ndomoono piom.✠

5

Takam mat ka mbulu

¹⁻² Niom kewe Anutu lutuunu bizin kek, mi ni leleene piom ilip kat. Tana kapa ki Tomoyom Anutu, mi kuur leleyom pa tomtom ta boozomen, kembei Krisi iur leleene piti, mi izem itunu ma imeete piti. Mbulu kini tana, Anutu ire kembei patoronɲana kuziiniɲana ta ni leleene pa ilip.✠

✠ **4:28:** Nɲo 20:34; 1Tes 4:11+; 2Tes 3:8+ ✠ **4:29:** Mt 12:36; Ep 5:4; Kol 3:8 ✠ **4:30:** Ro 8:23; 2Kor 1:22, 5:5; Ep 1:13+; 1Tes 5:19; Tur 7:3 ✠ **4:32:** Mt 6:14; Kol 3:13 ✠ **5:1-2:** Mt 5:48; Yo 13:34; Ga 2:20; 1Pe 1:15+; 1Yo 2:6

³ Niom kewe Anutu wal kini potomŋan kek. Tana mbulu ki urnjanol, mi mbulu kizin me ma nge, mi mbulu ki matanda koronŋanda na, kakam pepe. Mi sombe mbulu sa irao be ipei wal pakan ngar kizin ma tiso ko niom kakam mbulu ta kembei, ina tomini, kakam pepe. Kombot molo pa.✠

⁴ Mi sua sananŋana sa ipet pa kwoyom pepe. Tana kekel kombol pepe, koso sua soroksorok pepe, mi kakam kombol ma iwe ŋeu pepe. Pa mbulu ta kembei, ina indeeŋe som. Mi leleyom ambai pa Anutu, mi kwoyom ipakurkuri pa kampeŋana kini.✠

⁵ Kere. Sombe tomtom sa iurur nol, som ikamam mbulu kizin me ma nge, som mataana koronŋana, ina ni imbot lela peeze ki Krisi ziru Anutu som, mi zaana be ikam matamur kizin som. Pa mbulu tana, sombe ngar kiti ilala pa, ina kembei tembeeze pa merere pakaamŋana.✠

⁶ Tana motoyom ingalŋgal ituyom. Kokena wal pakan tipakaam yom pa sua soroksorok pakan, mi tiyaaru yom ma kakam mbulu sananŋan tana. Pa zin wal ta so tizorzooro Anutu, mi tinoknok mbulu ta kembei, ta Anutu kete malmalŋana kini izze kizin.✠

⁷ Tana wal ta kembena, kagaaba zin pa mbulu kizin risa pepe. Kombot molo pizin.

⁸ Munŋu na, niom tomini kombotmbot la zugut leleene. Mi inŋi Merere ikam yom ma kombot la mat leleene kek. Tana motoyom ingal be kapa pai tiom ma keswe mat tana ka mbulu.✠

✠ **5:3:** 1Kor 5:1, 6:15+; Kol 3:5; 1Tes 4:3 ✠ **5:4:** Ep 4:29 ✠ **5:5:** 1Kor 6:9+; Ga 5:19+; Kol 3:5 ✠ **5:6:** Ro 1:18; 2Tes 2:1+ ✠ **5:8:** Yo 12:36; Ngo 26:18; Ep 2:11+; 1Pe 2:9; 1Yo 1:7+, 2:9+

⁹ Mat ipiyotyooto ka ŋonoono ta kembei: mbulu ambaimbainan ta boozomen, mbulu ndeenjan, mi sua ŋonoono.✠

¹⁰ Kakam kinkiini be kuute kat mbulu ta Anutu leleene pa i.✠

¹¹⁻¹² Mi zin wal ta tikamam zugut ka mbulu ta ŋono somŋana na, kagaaba zin pa mbulu kizin pepe. Keswe mbulu kizin tana ma ipet mat, bekena tikilaala mi tizem. Pa mbulu sananŋana tau tikamam ki keŋana na, ipamian zin kat. Mi sombe toso ka sua, na itundu kanda mian pa tomini.✠

¹³ Tamen mat ikam koron ta boozomen ma timbot mat. Pa mat iswe koron ta boozomen.✠

¹⁴ Uunu tina ta tozzo ka sua ta kembei:
Nu ta kenne na, manŋa!
Zem zin wal meetenjan.

To mat ki Kriŋi iyaara pu.✠

¹⁵ Tana motoyom ingal pai tiom. Kokena koto zin wal ta len ngar somŋan i. Mi zin wal ta len ngar ambainana na, to koto zin.

¹⁶ Koozi, sombe karao be kakam mbulu ambainana sa, na kakam pataana. Pa kaimer ko kam kek? Pa inŋi mazwaana sananŋana.

¹⁷ Tana kakam ngar kankaananana pepe. Kurru ngar pa mbulu ta Anutu leleene pa i.✠

¹⁸ Kiwin yok mbolŋana ma zaza pepe. Kokena ikam ma karao be kayaraama ituyom mini som, to kakam mbulu bozboozo. Kuur ituyom ila ki

✠ **5:9:** Ga 5:22+ ✠ **5:10:** Mt 18:15; Ro 12:2 ✠ **5:11-12:** Ro 13:12; 1Kor 5:9+; 2Kor 6:14 ✠ **5:13:** Yo 3:20+; Ibr 4:13 ✠ **5:14:** Ro 13:11 ✠ **5:17:** Ro 12:2; 1Tes 4:3, 5:18

Bubuᅇana be izebzeebe yom mi ikamam peeze piom. Naso kipiyoᅇooto mbulu ta kembei:✧

19 Ko kaparzzo sua piom mi kozzo pa mboe ta timbot la sua ki Merere na, mi mboe pakurᅇan, mi mboe popoᅇan ta timarmar pa Bubuᅇana na. Mi kombombo mboe mi kezze kombom pa Anutu raama leleyom ambai.✧

20 Mi mbulu pareiᅇana ta so ipet, nako leleyom ambai men pa Tamanda Anutu, mi kapakuri pa Merere kiti Yesu Kriᅇi zaana.✧

21 Mi kokototo ituyom, mi kaparlenᅇen la kalᅇoyom. Paso niom komototo Yesu Kriᅇi mi kelenᅇen la kalᅇaana.✧

Mbulu tabe iti wal ulaᅇanda takam pa kusindi bizin i

22 Niom moori na, kokototo ituyom mi kelenᅇen la kusiyom bizin kalᅇan, raraate kembei ta kokototo ituyom ma kelenᅇen la Merere kalᅇaana na.✧

23 Pa kusiyom bizin, ta tiwe uteene piom mi tikamam peeze piom, kembei ta Kriᅇi iwe uteene pa wal kini ta ni ikamke zin ma timbot lela lupᅇana kini na.✧

24 Tana niom moori kokototo ituyom mi kelenᅇen la kusiyom bizin kalᅇan pa koron ta boozomen, kembei ta lupᅇana ki Kriᅇi tikamam pini.

25 Mi niom tomooto na, ku'urur kat leleyom pa kusiyom bizin, kembei ta Kriᅇi iur kat leleene piti

✧ **5:18:** Tut 20:1; Yesa 5:11; Lu 21:34 ✧ **5:19:** Mbo 33:2+; Ngo 16:25; 1Kor 14:26 ✧ **5:20:** Mbo 34:1; Kol 3:16+; 1Tes 5:18; Ibr 13:15 ✧ **5:21:** 1Pe 5:5 ✧ **5:22:** Un 3:16; Ep 6:5; Kol 3:18; 1Pe 3:1+ ✧ **5:23:** 1Kor 11:3; Ep 1:22+, 4:15; Kol 1:18

tomtom ta tombot lela lupņana kini na, mi izem itunu ma imeete piti,✠

²⁶⁻²⁷ bekena ikam ti ma tewe Anutu wal kini potomņan. Mi ni ipus ti pa yok ramaki sua kini ma tewe nģeezeņanda kek. Tana ikam ma iti ta tombot lela lupņana kini na, tewe kembei moori ulaņana ta ruņguunu ambaiņana kat. Kuliini nģeeze men, muk sa ikami som, mi koronņana sa isaana som. Pa Krisi isombe ikam ti ma tewe lene kat, kembei ta tomoto ikam moori ma iwe kusiini.✠

²⁸ Mi ina raraate piom tomoto. Ku'urur kat leleyom pa kusiyom bizin, kembei ta leleyom pa ituyom kuliyom. Pa tomtom ta so iurur leleene pa kusiini, na iur leleene pa itunu tau.

²⁹ Kere. Asiņ iur koi pa itunu kuliini? Som. Iti ta boozomen tupututu itundu mi tomorro kat itundu kulindi. Mi Krisi ikamam mbulu raraate men piti tomtom ta tombot lela lupņana kini na.

³⁰ Pa iti ta tewe kembei ni namaana ma kumbuunu ma kwoono, mi koronņana ta boozomen.✠

³¹ Mi sua imbot pataaņa kek ta kembei:

Uunu tina ta tomoto ko izem tamaana ma naana, mi ziru kusiini tiparlup zin ma tiwe tamen.✠

³² Sua ti na, ka ngar turkeņana biibi. Pa nio anre kembei tiso se ki Krisi mi lupņana kini.✠

³³ Tamen sua ti imar piti tomini. Tana niom tomoto ta boozomen bela kuur kat leleyom pa kusiyom bizin, kembei ta leleyom pa ituyom. Mi

✠ **5:25:** Ga 1:4; Kol 3:19; 1Pe 3:7 ✠ **5:26-27:** Yo 3:5, 15:3; 2Kor 11:2; Kol 1:22; Tit 3:5; Ibr 10:22 ✠ **5:30:** Ro 12:5; 1Kor 12:27 ✠ **5:31:** Un 2:24; Mt 19:5; 1Kor 6:16 ✠ **5:32:** Tur 19:7

niom moori ta boozomen tomini, leyom nger pa kusiyom bizin, mi kapakur zin.

6

Sua ta ila pizin pikin mi taman ma nan bizin

¹ Mi niom pikin na, kozo kelenj la tomoyom ma noyom bizin kaljan. Pa ina indeenje pa Merere nger kini.✧

²⁻³ Kelenj sua ki Anutu ti:

Lem nger pa tomom ma nom mi mbeeze pizin.✧

Tutu ti na, tutu mataana kana ta ka sua mbukjana imbotmbot raama. Sua ta kembei:
Naso nu mbot ambai su toono ma molo.

⁴ Mi niom ta taman bizin na, kapamalmal sorok lutuyom bizin keten pepe. Komboro kat zin, mi kapazal zin mi kosope zin. Mi sombe kapazal zin, na koto zaala ki Merere mi kakam.✧

Sua pizin mbesooŋo mi zin bibip kizin

⁵ Mi niom mbesooŋo na, kozo kelenj la zin bibip tiom kaljan, kapakur zin, mi kembeeze pizin raama lelyom, kembei ta kembesmbeeze pa Krisi itunu.✧

⁶ Kokena kakam pakaamjana pa uraata tiom ta kembei: Sombe kere zin bibip tiom timar, to kakam kat uraata pa matan bekena kakam lenen. Mi so tizem yom mi tila len, tona kakam kat uraata mini som. Kakam kembena pepe. Pa niom na, mbesooŋo ki Krisi.

⁷ Tana kakam kat uraata tiom, mi kakam raama lelyom. Naso koto Anutu leleene. Pa uraata

✧ **6:1:** Kol 3:20+ ✧ **6:2-3:** Kam 20:12; Mt 15:4 ✧ **6:4:** Lo 6:7; Tut 22:6 ✧ **6:5:** 1Tim 6:1; Tit 2:9+; 1Pe 2:18

tiom tana, kakamam pizin tomtom men som. Ina kakamam pa Anutu tomini.

⁸ Tana motoyom ingal be kakam kat. Pa niom kuute: Iti ta boozomen, sombe tewe mbesooŋo, som tewe mbesooŋo som, mi sombe takam uraata kiti ambai, inako Merere ikam lende kadoono ambainana.✠

⁹ Mi niom wal ta leyom mbesooŋo na tomini, leyom nger pizin. Kokena kapamoto zin sorok. Pa niom kuute: Niomŋan leyom biibi tamen tau: Ni ta imbotmbot saamba a. Mi ni ikamam ngar pa tomtom zan som. Ikamam mbulu raraate men pa tomtom ta boozomen.✠

Wal urlaŋan bela tiur mburu malmal kana ki Anutu, to timender mbolŋana

¹⁰ Ayo, ingi be anpemet sua tio. Niom bela kakam mburoyom la ki Merere. Naso mburaana keskeezena ipombol yom.✠

¹¹ Pa Tomtom Sanaana, ni le ngar biibi kat pa pakaamŋana. Tana kuur mburu malmal kana boozomen ta ki Anutu i be ipakaala yom. Naso kemender mbolŋana, mi kotop pa Tomtom Sanaana pakaamŋana kini som.✠

¹² Pa toono ti na, zugut muriini. Mi ingi itina zin tomtom toono kan men toporrou som. Ingi zin bubuŋana sananŋan ta timbotmbot pa manaanana i, mi zin peeze kan, mi koron bibip ki toono ti ta mburanŋan mi zanŋan na, ta itina toporrou.✠

✠ **6:8:** Mt 25:34+; 2Kor 5:10 ✠ **6:9:** Nŋo 10:34+; Ro 2:11; Kol 4:1

✠ **6:10:** 1Kor 16:13; 2Tim 2:1 ✠ **6:11:** Ro 13:12+; 2Kor 6:7, 10:4;

1Tes 5:8+ ✠ **6:12:** Ep 2:2; 1Pe 5:8+

13 Tana kuur mburu malmal kana boozomen ta ki Anutu i be ipakaala yom. Beso gorgor sananɔana ki toomboɔana ipet, tona niom ko karao be kemender mbolɔana, mi koporoukaala ituyom ma kilip pa toomboɔana tana. Mburu malmal kana ki Anutu, ina mbulu ta kembei:✧

14 Kozo kemender mbolɔana, mi koto sua ɔnonono raama leleyom. Pa ina iwe kembei ta pus be ikiskis kawaala tiom. * Mi kakam mbulu ndeeɔɔana. Pa ina iwe kembei mburu mbolɔana ta zin zaaba kan tipakalkaala kan mbooro pa i.✧

15 Mi uruunu ambaiɔana ta iso iti pa zaala tabe itinɔan Anutu mi zin tomtom taparlup ti ma tewe tamen na, motoyom siɔsiɔ pa be kosoyaara pizin tomtom. Pa ina iwe kembei kumbuyom keteene.✧

16 Mi kikiskis kat urlaɔana tiom. Pa ina koronɔ biibi kat. Iwe kembei ta siɔgiao piom be koporoukaala ituyom pa Tomtom Sanaana peene kini lutuunu boozomen ta you ikanan la matan na.✧

17 Mi kakam ulaaɔa ki Anutu ma iwe leyom. Pa ina iwe kembei ta mburu mbolɔana be isekaala uteyom. Mi sua ki Anutu ta Bubunɔana ikam piti na, kakam ma iwe leyom buza.✧

18 Tana kakamam mbulu ta boozomen tana, mi kuzunɔunɔ raama Bubunɔana mburaana totomen. Kataɔroro Anutu be iuulu yom. Mi kezem sunɔana pepe. Konoknok men. Tana kapamatmaata

✧ **6:13:** 2Kor 6:7, 10:4 * **6:14:** Zin zaaba kan ki Rom, sombe tila pa malmal, to tiselek kawaala kizin ma ise, mi tipo kat pa koronɔ kembei ta pus, bekena tiloondo kat. ✧ **6:14:** Mbo 132:9; Yesa 11:5; Lu 12:35; 1Tes 5:8; 1Pe 1:13 ✧ **6:15:** Yesa 52:7; Ro 10:15 ✧ **6:16:** 1Pe 5:9; 1Yo 5:4 ✧ **6:17:** Yesa 59:17; 1Tes 5:8; Ibr 4:12; Tur 1:6, 19:15

mi kuzunzun pa Anutu wal kini potomnan ta boozomen.✠

19 Mi motoyom ingal yo tomini pa sunjana. Kusun pa Anutu beso ankam sua pizin tomtom na, ni ipombol yo be anmoto som, mi iso yo pa sua tabe ankam pizin i. Naso answa kat uruunu ambainana ta mungu ike, mi koozi ipet mat kek.✠

20 Uruunu ambainana, nio ankam Anutu runguunu mi anzzo. Tanata ingi tiur yo ma anmar anbotmbot lela ruumu sanaana ti. Tana kusun pio be anmoto som, mi anmender mboljana mi anso ka sua. Naso ankam kat uraata tio.✠

Sua pemetjana

21 Tonmatizin kiti Tikikus ta mbesoono nonoono ki Merere mi nio lelen pini ilip na, ni ko isotaara yom pa koron ta boozomen. Naso kuute mbotjana tio mi uraata ta ankamam i.✠

22 Unu tina ta ango i ma ima i. Pa lelen be ni isotaara yom pa mbotjana tiam, mibe ipombol yom pa sua pakan tomini.

23 Tamanda Anutu mi Merere kiti Yesu Krisi ko timboro yom tonmatizin tiam tana ma kombot ambai, mi ikam yom ma leleyom par piom, mi kuurla kat.

24 Mi wal boozomen ta so tiurur lelen pa Merere kiti Yesu Krisi, mi tizemi som na, kampejana kini ko imbotmbot se kizin. Nonoono.

✠ **6:18:** Mt 26:41; Lu 18:1; Ro 12:12; Kol 4:2; 1Tes 5:17 ✠ **6:19:** Ngo 4:29; Ro 15:30+; Kol 4:3; 2Tes 3:1 ✠ **6:20:** Ngo 28:20; 2Kor 5:20 ✠ **6:21:** Ngo 20:4; Kol 4:7+

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593